

ՈՐՈՏԱՆԻ ՄԻ ՁԵՌԱԳՐԻ ՆՈՐԱՀԱՅՏ ԷԶԵՐԸ

XIII դարի 90-ական թթ., երբ Գլաձորի համալսարանը արդեն բավականին ճանաչում էր գահի, Սյունիքի տարածքում եղող մնացած գրչատները թե՛ Վայոց ձորում և թե՛ Սղուկում (Որոտան) նույնպես բավականին աշխուժացել էին:

Այդ ժամանակի Որոտանի մանրանկարչական արվեստին ժանոթանում ենք 1296 թ. Աղիտու վանքում գրիչ Մխիթարի ընդօրինակած Ավետարանի շնորհիվ: Վանքը կոչվել է Աղուտ գյուղի անունով, որը գտնվում է Որոտան գետի ձախ ափին՝ լեռնալանջի վրա: Աղուտի հինավուրց եկեղեցուց մնացել են միայն փլատակներ, իսկ գրչատնից պահպանվել է միայն Մաշտոցի անվան Մատենադարանի սույն ձեռագիրը:

Ավետարանը թղթյա է, չափերը՝ 30×23, գրությունը՝ երկայուն, խոշոր բոլորգիր, թերթերի քանակը՝ 305: Ձեռագրի հիշատակարանից տեղեկանում ենք, որ այն ընդօրինակվել է անբարենպաստ պայմաններում «...ի յաշխարհակալութեան անաւրէն Խազանին, որ քանդէր սուրբ զեկեղեցիս Աստուծոյ և հալածական առէր զքահանայսն և զաւրացուցանէր զազն Իսմայելի իւր պիղծ ասախովն ի վերայ քրիստոնէից...»¹: Գրիչը տեղեկացնում է, որ մատյանն ավարտի է հասցրել «բազում աշխատութեամբ» և մի քանի անձանց օժանդակությամբ: Նրան օգնել են հոգևոր ծնողները, փեսա Սարգիսն ու Առաքել քահանան մարմարե քարն են տվել², Վանական քահանան՝ «որ զքարտէզն կոկեաց»³: Այս Վանականը միաժամանակ եղել է գրքի սրբագրողը: Նրա նկատմամբ գրիչը ցուցաբերել է հատուկ վերաբերմունք՝ Պրոխորի պատկերի մոտ հիշա-

տակելով՝ «զՎանական քահանայ, որ աշխատեցաւ ի յղորգեալն, յիշեցէք ի Քրիստոս, ամէն, ով պատուական եղբարք»⁴: Հիշվում է նաև Խաչիկ քահանայի անունը, որը ոսկե դրամն է տվել թուղթը գնելու համար. իսկ Գրիգոր քահանան Ավետարանի գաղափար օրինակն է շնորհել: Ձեռագիրը կազմել են Մանուել և իր որդի Սարկավազ քահանաները: Ընդօրինակումը տևել է մեկ տարի 1297 թ. այն ստացել է Վարդան քահանան, 1346 թ. ձեռագիրը վերստին ստացել է Հայրանուն Մխիթարեցին⁵: Վերջինիս մահվանից հետո, 1412 թ. դառնում է նրա որդու՝ Հայրապետի սեփականությունը: Հետագայում ձեռագիրը պատկանել է Տփղիսի Քարափի թաղի Ս. Հակոբ եկեղեցուն, իսկ 1937—1940 թթ. ընթացքում բերվել է Մատենադարան⁶:

Գրիչ Մխիթարը բացի բուն հիշատակարանից թողել է նաև փոքր հիշատակագրություններ: Մարկոս ավետարանի պատկերի գլխավերևում երկաթագրով գրում է. «ԶՄեղապարտ գծող Մխիթար յիշեայ Տէր»⁷: Մարկոսի ավետարանի վերջում, տեքստից անմիջապես հետո, երկաթագրով մակագրված է. «զՄեղապարտ Մխիթար յիշեայ ի Քրիստոս, պատուական ընթերցող»⁸:

Նկարչի մասին ձեռագրում ոչ մի տեղեկություն չկա. սակայն որոշ հանգամանքներ թույլ են տալիս ենթադրելու, որ նկարիչը կարող էր լինել նույն գրիչ Մխիթարը: Սովորա-

5 Հայերեն ձեռագրերի հիշատակարաններ, ԺԳ դար, էջ 785:

6 Լ. Խաչիկյանը վերստին ստացման վայրը գրում է «Մխիթար»⁵: Տե՛ս ԺԴ դարի հայերեն ձեռագրերի հիշատակարաններ, կազմեց Լ. Խաչիկյան. Երևան, 1950, էջ 349:

7 Հետագա ստացողների հիշատակագրությունները տեղադրված են մատյանի սկզբում՝ 1բ, 2ա, 2բ էջերում:

8 Օ. Ծգանյան. Մատենադարանի ձեռագրական հավաքածուները.— Ծուցակ ձեռագրաց. հ. Ա, Երևան, 1969, էջ 136—139:

9 ՄՄ, ձեռ. Մ 7353, էջ 98ա:

10 Նույն տեղում, էջ 156բ:

1 Մաշտոցի անվ. Մատենադարան (ՄՄ), ձեռ. Մ 7353:

2 Հայերեն ձեռագրերի հիշատակարաններ, ԺԳ դար, կազմեց Ա. Մաթևոսյան. Երևան, 1984, էջ 784:

3 Մարմարե քարն օգտագործվել է ներկը հղկելու (լոսելու) նպատակով:

4 Խոսքը վերաբերում է թղթի կոկեղուն:

բար նախ դրին էր ընդօրինակում ձեռագրի ընդգրկում, և ապա նկարիչը հարգարում այն նման դեպքերում գրիչը գաղափար օրինակին հետևելով՝ ազատ էր թողնում նկարվելիք ասարածությունը և շարունակում գրությունը: Իսկ երբ գրիչն ինքն էր նկարագրողը, պատահում էր, որ նախ նկարում էր և ապա շարունակում գրելիքը: Մեր ձեռագրում նախ նկարված է Ղուկաս ավետարանչի պատկերը և հետո գրիչը ավետարանչին դիմելով, նրա գլխավերևում գրում է. «Ղուկաս ավետարանիչ ողորմի Մխիթար Բաճանի ամէն»¹¹: Ավետարանչի լուսապսակը խանդարել է մակագրությանը, «թահանի» բառը մասնատվել է, «թ» տառը միացվել է գրչի անվանը՝ «Մխիթարք», իսկ լուսապսակի ձախ կողմում մնացել է «Բաճան»,

աչ կողմում՝ «ի, ամ.», Բացի դրանից, անվանաթերթերի զարդադրերում երբեմն հանդիպում են կապգրեր¹², որոնց նմանօրինակները կարելի է տեսնել Մխիթարի մակագրություններում¹³:

Ձեռագիրն սկսվում է խորաններով: Փրանք մոնումենտալ, դեկորատիվ ոճավորմամբ երեք սյուների վրա հենված երկկամար խորաններ են, որոնք կատարված են վարպետ գծագրությամբ: Չնայած խորանների դույնները սովորաբար լինում են խորհրդանշական բնույթի, սակայն այստեղ բոլոր խորաններում նկատվում է գույների միօրինակություն: Օգտագործված են միևնույն կապույտ, կանաչ, գեղին և կարմիր գույները, վերջին խորանում կարմիրն ակտիվանում է: Խորանների սյուները զարդարված են միատեսակ պարզ տերևադարձով: Նամարների գլուխներին պատկերված յուրատիպ թունազարգերը խորհրդանշական լինելով հանդերձ, իրենց շարժուն կենցածքներով ու գունազեղությամբ ավելի են կապվում իրական կյանքին: Հատկապես սիրամարգերն ունեն ինքնատիպ նկարագիր և կրկնվում են տարբեր խորանների գլուխներին: Նույնը կարելի է ասել աթաղաղների մասին: 4րդ էջում խորանի կամարի տակ, կապույտ խորքի վրա նկարված են վարագոն ու եզր՝ մարտի պատրաստ դիրքերով: 6րդ էջի խորանի ձախ կամարի կենտրոնում մարդու դեմք է, որն արևի տպավորություն է թողնում:

Խորանների նմանատիպ ձևավորումները հարազատ էին X—XI դդ. հայկական ձեռագրերին¹², որոնք ավանդաբար փոխանցվել են հետագա դարերին: Ուշագրավ է, որ Որոտանի սույն ձեռագիրը իր հարգարման այս եղանակով XIII դարի Սյունիքում միակը չէր: Նմանները ունեցել են իրենց նախագաղափար օրինակները: Դեռևս X դարում Բղենո Նորավանքում ընդօրինակված նշանավոր «Էջմիածնի Ավետարանի» խորանները կառուցված են Հարութապետական միևնույն եռասյուն-երկկամար ձևերով¹³: Գունային միևնույն համադրումն ու պարզ հարգարանքն ունեն Որոտանի Հղուներ գյուղում XVI դարում ընդօրինակված Ավետարանի X—XI դդ. մագաղաթյա պահպանակները¹⁴, XIII դարում այդ ավանդույթը պահպանվել է նաև Վայոց ձորում՝ Թանատի և Եղեգնի գրչատներում¹⁵:

Ձեռագիրն սկսվում է խորաններից միայն հինգն են, որոնցում զետեղվել են ավետարանների համեմատական ցանկերը (էջ 4ա, 4բ, 5ա, 5բ, 6ա): Մնացած հինգ խորանները դատարկ են (6բ, 7ա, 7բ, 8ա, 8բ): Կանոնների հերթական դասավորումը խախտված է: Այս կանոնը տեղավորված է սկզբում՝ էջ 4ա, Բ կանոնը՝ էջ 4բ, 5ա, 5բ էջն ավարտվում է կանոն Ե-ով, իսկ 6ա էջում՝ Ժ կանոնն է: 6բ էջի դատարկ խորանի ձախ սյունակում կա հետագա հիշատակագրություն: Վերջինս Աստուած ողորմի Սիս խաթունա, ամէն: Քրիստոս Աստուած ողորմի Թամթի, ամէն:

Ձեռագրում բացակայում է Մատթեոս ավետարանչի պատկերը, որի ավետարանի վերջում, գրչի մակագրությունից ներքև, աչ անկյունում Մարկոս ավետարանչի պատկերն է: Նա նստած է դիմահայաց, ունի կլոր դեմք, հագին՝ կարմիր, կապույտ և կանաչ գույներով աշխարհիկ համազգեստ է, մեջքին դեղին գոտի, ոտքերին՝ երկարաճիտ, ծայրերը կեղծված կոշիկներ, մեկը կապույտ, մյուսը՝ կարմիր: Ուշագրավ է նաև ավետարանչի բազմազույն ու ձևավոր աթոռը: Մարկոսը մի ձեռքում պահել է եղեգնյա գրիչը, իսկ մյուսով՝ բռնել մկրատը:

Մարկոսի ավետարանի վերջում, գրչի մակագրությունից ներքև, ձախ սյունակում նկարված է Միքայել հրեշտակապետը՝ բազմազույն հագուստով (156բ): Նույն էջի աչ անկյունում Ղուկաս ավետարանչի պատկերն է, համարյա միևնույն դիրքով ու հագուստով ինչպիսին Մարկոսն է: Ղուկաս ավետարանչի

¹² Т. Измайлова. Армянская миниатюра, XI в. М., 1979.

¹³ ՄՄ, ձեռ. № 2374, ք. 989.

¹⁴ ՄՄ, ձեռ. № 9310, ք. 1579.

¹⁵ Նոր Զուգա, ձեռ. № 34, ՄՄ, ձեռ. № 7482.

¹¹ ՄՄ, ձեռ. № 7353, էջ 156բ.

¹² «Սկիզբն», «սկզբանէն» — «ս» և «կ» տառերը գրված են միասին:

¹³ «Եզմ» և «Մխիթար»-ի «Մխ» տառերը գրված են միասին:

մոտ Միքայել հրեշտակի ներկայությունը փառաբանում է, ինչպես, օրինակ, ձեռագրերից մեկում Հովհաննես ավետարանչի հետ Գար-րիիլ հրեշտակի պատկերումը, միայն այն տարբերությամբ, որ վերջինում հորինվածքը ցույց է տալիս ավետարանչի և հրեշտակի զաղափարական կապը¹⁶, մինչդեռ մեր ձեռագրերում նման կապ չի նկատվում:

Հովհաննես ավետարանիչը նկարված է իր անվանաթերթի հետ միևնույն էջում: Կիսախորանի փոխարեն տեքստի սկզբի աջ անկյունում հյուսվածքային գլխազարդն է, իսկ ձախ սյունակում՝ Հովհաննեսն է ողջ հասակով կանգնած, ձեռքին զավազան: Հովհաննես ավետարանիչը միևնույն ոճավորումով և



նկ. 1

գլխին խաչ կրող զավազանով պատկերված է նաև XIII դարի Վենետիկի 1200 թ. Ավետարանում (ձեռ. № 1366/124), որի նկարիչն ու գրությունն վայրն անհայտ են¹⁷: Ավետարանչի լուսապսակի երկու կողմերում կարմիր բոլորգրով գրվել մականգրել է. «Յոհաննէս աստարանիլ բերան ոսկիս: Հովհաննեսի ոտքերի մոտ նստած է Պրոխորը՝ նախորդ ավետարանիչների գիրքով: Նա ոչ թե բռնել է գրիչը, այլ ձեռքը ուղղակի դրել է գրչի վրա:

Ինչպես տեսնում ենք ավետարանիչների պատկերները իրենց տեղադրմամբ անկանոն են: Այստեղից պետք է ենթադրել, որ բացակա Մատթեոսի պատկերը նույնպես պետք է լի-

¹⁶ Ա. Գ. և ո. Գ. յ ա ն. Հովհաննես ավետարանչի պարականոն մի պատկեր. — «Լրաբեր հասարակական գիտությունների», 1981, № 4, էջ 61:

¹⁷ D. Kouymjian. The Classical tradition in Armenian Art. — REA, t. XV, Paris, 1981, fig. 19, c. 283—284.

ներ ոչ թե առանձին էջով, այլ, հավանաբար, ավետարանին նախորդող վերջին խորանի հետ. սակայն ձեռագրի վերջին անավարտ խորանում այն չկա: Համենայն դեպս ավետարանչի նկարի բացակայությունը պետք է դիտել իբրև ձեռագրի հետագա ավերման հետևանք:

Հարցի լուծումը հնարավոր է դառնում Կալիֆորնիայի համալսարանի պրոֆեսոր Տ. Կույմյանի 1977 թ. հրատարակած՝ մինչև 1000 թ. հայկական մանրանկարված ձեռագրերի մատենագիտության շնորհիվ¹⁸, Գրքում տեղ



նկ. 2

է գտել նաև Նյու Յորքի Մորգանի գրադարանի № 789 ձեռագրի նկարագրությունը, որը բաղկացած է ընդամենը երեք թերթից և գնվել է 1935 թ. Դեմոտ ընկերությունից: Դրանք Ավետարանից անջատված մասունքներ են, որոնցից յուրաքանչյուրի երկու էջերը մանրանկարված են: Ձեռագրի 1ա էջում նկարված խորանն իր բոլոր մանրամասներով նույնն է, ինչ տեսնում ենք Մատենադարանի № 7353 ձեռագրում. այսինքն ճիշտ միևնույն երկկամար խորանն է, կամարների գլխին նույն ինքնատիպ սիրամարգերը, նույնն են խորանի սյուների տերևազարդերը և չկան կանոնների աղյուսակները: 1բ էջում դարձյալ երկկամար խորանն է՝ իր սիրամարգերով: Այստեղ, ձախ կամարի տակ, բոլորգրով գրված է. «Զպատուական հայրն մեր զՎարդան, յիշեցէք ի Քրիստոս, ամէն»:

¹⁸ D. Kouymjian. Illuminated Armenian manuscripts to the year 1000 G. D. Fresno, California, 1977, fig. 101—102,

րանի աջ կամարի տակ պատկերված է ողջ հասակով կանգնած Մատթեոսը, որը բացակայում էր Մատենադարանի ձեռագրում: Նա ձեռքերով կրծքին մոտ է պահել դիրքը: Իսկ գլխի երկու կողմերում գրված է. «Մաթէոս անտարանիչ»¹⁹ (նկ. 1,2):



նկ. 3

Ավետարանիչների խորանների տակ կանգնած պատկերելը բնորոշ էր X—XI դդ. մանրանկարչությանը. բացի դրանից, այդ դիմապատկերները երբեմն ունենին որոշակի ինքնատիպ մշակում, որտեղ մարդկանց դեմքերը գծապրկի նկարիչները նրանց հոնքերն ու քիթը գծագրում էին մեկ ընդհանուր շարունակական գծով: Այդ նույն ոճով է պատկերված Մաաթուր, որը շատ մոտ է 966 թ. Բալթիմորի Ավետարանի նկարների ոճին²⁰: Այս հանգամանքը առիթ է հանդիսացել, որ Մորգանի գրադարանի № 789 մատյանի նկարները վերագրվեն X դարին²¹: Դիմապատկերման նման

¹⁹ Ձեռագրին պատկանելիք թերթերի հավաստիությունը պարզելուն մեծապես օգնեցին պրոֆ. Ա. Սանջյանի և պրոֆ. Բ. Մեթյուսի ուղարկած գունապատկերներն ու գունավոր լուսանկարները, որոնց համար մեր խորին շնորհակալությունն ենք հայտնում:

²⁰ S. Der-Nersesian. Armenian manuscripts in the Walters Art gallery. Baltimore, 1973, ms. № 537.

²¹ Ա. Սանջյան. Ցուցակ Ամերիկայի հայերեն ձեռագիրներու. Լոս-Անջելես-Լոնդոն, 1976, էջ 607—608:

եղանակը ավանդաբար փոխանցվել է հետագա դարերին և պատահական չէ, որ № 7353-ի ավետարանիչների պատկերներին նման օրինակները նկատվում են Վալոց ձորի XIII դարի մանրանկարիչ Հովհաննեսի աշխատանքներում²²:




նկ. 4

Ուշագրավ է, որ № 7353 ձեռագրի Հովհաննես ավետարանի կերպարը իր հորինվածքով շատ մոտ է № 789-ի Մատթեոսի պատկերին (նկ. 3). կասկած չի մնում, որ դրանք նույն նկարի աշխատանքներ են և պատկանում են միևնույն ձեռագրին: № 789-ի շաբաթիկներին երկկամար խորաններ են, միևնույն ոճավորված սիրամարգերով: Երրորդ թերթի ա-թ Լեւրի խորանների կամարներին պատկերված թռչունները դարձյալ նույնությամբ կրկնված են № 7353-ում: Համապատասխանում են նույնիսկ նրանց թևերի մեծությունները (30×23) (նկ. 4,5):

Եթե ընդունենք, որ իսկապես Մորգանի գրադարանի այդ երեք թերթերը պատկանում են Մատենադարանի № 7353 ձեռագրին, մնում է պարզել՝ արդյո՞ք խորանների քանակը չի ավելանում, քանի որ ձեռագրում արդեն կան տասը խորաններ, որոնք սովորաբար բավարարում են համեմատական աղյուսակների տասը կանոններին, ընայած ձեռագրում միայն հինգ խորաններ են, որ ունեն համեմատական աղյուսակներ: Բանն այն է, որ ինչպես տեսանք, № 7353-ի միայն Բ կանոնը զրադեցրել է երկու էջ՝ աղյուսակների ընդար-

²² Ա. Տեր-Ավետիսյան. Ցուցակ հայերեն ձեռագրաց Նոր Զուղայի Ամենափրկիչ վանքի. հ. Ա, Վիեննա, 1970, ձեռ. № 34: ՄՄ, ձեռ. № 7482:

ձակ վանդակազծների պատճառով: Նույն ձևով կարող էին տեղ զբաղեցնել հաջորդ աղյուսակները: Ուստի, նկարիչը նախատեսել է նկարել տասից ավելի խորաններ, որոնց շարքում պետք է լինեին նաև Մ 789-ի խորանները: Բացի այդ, ձևագրի սկզբում պետք է որ լինեին ծվսերիոսի նամակի երկու խորանները:



Նկ. 5

Մ 7353 ձևագրին ունի մեկ տերունական նկար՝ «Խաչակրություն», որը տեղադրված է 98 բլրիվ էջի վրա: Պատկերի գունային միատոնությունը ստեղծում է այն տպավորությունը, որ դա ոչ թե թղթի վրա կատարված մանրանկար է, այլ՝ մետաղյա խաչի դրվագում (ղեղնավուն խաչի վրա Քրիստոսն է, ոտքերի տակ Ադամի գլուխը, իսկ երկու կողմերում, ավելի փոքր խաչերի վրա՝ ավաղակները):

Անվանաթերթում չկան ո՛չ հորինվածքի և ո՛չ էլ զարդարանքի միօրինակություն: Նրանցից երկուսը ոչ թե կիսախորաններ են, այլ զլխազարդեր. մի բան. որ դարձյալ ավելի կիրառվում էր վազ շրջանի ձևագրերում: Լուսանցազարդերի գերակշռող մասը մոնումենտալ բուսական զարդաձևեր են X—XI դդ. ձևագրերին համապատասխան: Դրանց կողքին կան ղեկորատիվ զարդեր, որոնցից մի քանիսը հիշեցնում են «կենաց ծառի» տարբերակներ և հարազատ են ժամանակի մանրանկարչությանը: Նույնը կարելի է ասել դարդս գրերի մասին, որոնք մեծ մասամբ ջառագի վարդյակների հետ համատեղված հյուսվածքներ ունեն: Սրանց մոնումենտալ օրինակները կան վազ շրջանի մատյաններում. սակայն ավելի մեծ աղերս ունեն XIII դարի Թանասի մանրանկարիչ Հովհաննեսի դարդատուների հետ:

Ուրեմն, XIII դարի Որոտանի Աղիտու վանքից պահպանված այս միակ ձևագիրը իր մանրանկարչական արվեստով ավանդաբար կապվելով X—XI դդ. հայկական մանրանկարչության հետ, միաժամանակ ընդգրկում է իր ժամանակի զրքարվեստին հարազատ հատկանիշներ:

Ժամանակի դաժան պայմանների հետևանքով ձևագիրը կորցրել է իր շատ արժեքավոր նկարազարդ թերթերը, որոնք օտարության մեջ պահպանվել ու դիտվել են իբրև X դարի ձևագրի մասունքներ: Տ. Կույունյանի հրատարակած մատենագիտության շնորհիվ մեզ հայտնի դարձած «կորած» թերթիկները լրացնում և ամբողջացնում են Մաշտոցի անվան Մատենադարանի Մ 7353 շատ արժեքավոր ձևագրի մատյանը:

Ա. Բ. ԳԵՎՈՐԳՅԱՆ

ՀԱՅԱՍՏԱՆԻ Մ. Թ. Ա. VIII—VII ԴԱՐԵՐԻ ԳԱՎԱԹ-ՍԱՓՈՐՆԵՐԻ ՄԱՍԻՆ

Հայաստանում մ. թ. ա. VIII—VII դդ. հուշարձանների պեղումներից հայտնաբերված բազմաթիվ կավանոթների շարքում առանձնանում է երկկանթ սափորների մի լուրջորինակ խումբ: Բիսյանական ամբոցներից, բնական վայրերից և դամբարանային համալիրներից գտնված այս փոքրաթիվ գավաթ-սափորները ունեն կարճ կամ ձգված իրան, հարթ հատակ, աղեղնաձև կանթեր:

Պերսեպոլիսում քանդակներին նվիրված բարձրագույն դպրոցում պատկերված է տեսա-

րան, որտեղ հայերը տուրք են բերում պարսկական արքային: Նրանք ձեռքներին պահած մի շարք իրերի հետ մեկտեղ տանում են նաև բավականին մեծ շափորի (բարձրագույնում մարդկային պատկերների մեկ երբեք չափով) երկկանթ սափոր: Այն ունի կլորավուն իրան, ձգված վիղ, աղեղնաձև կանթեր, որոնք վերին մասում ոճավորված են թռչունի քան-

¹ E. F. Schmidt, Persepolis I. Chicago, 1953. plate 29 B.